

- Г. Г. Бараксанов. – Сыктывкар : Коми кн. изд-во, 1971. – 167 лб. (разные переиздания).
4. Жилина, Т. И. Присыктывкарский диалект и коми-литературный язык / Т. И. Жилина, Г. Г. Бараксанов. – Москва : Наука, 1971. – 276 с.
 5. Колегова, Н. А. Среднесыольский диалект коми языка / Н. А. Колегова, Г. Г. Бараксанов. – Москва : Наука, 1980. – 226 с.
 6. Бараксанов, Г. Г. Развитие коми филологической науки / Г. Г. Бараксанов, В. И. Мартынов. – Сыктывкар, 1975. – 41 с. (Серия препринтов «Научные доклады». Коми филиал АН СССР. Вып. 20).
 7. Бараксанов, Г. Г. Лексикография / Г. Г. Бараксанов // Современный коми язык. Лексикология. – Москва : Наука, 1985. – С. 174–205.
 8. Бараксанов, Г. Г. История коми литературного языка и проблемы языковой нормы / Г. Г. Бараксанов. – Сыктывкар, 1986. – 19 с. (Серия препринтов «Научные доклады». Коми филиал АН СССР).
 9. Бараксанов, Г. Г. Омские коми / Г. Г. Бараксанов, Н. Д. Конаков, Ю. Г. Рочев. – Сыктывкар, 1987. – 23 с. (Серия препринтов «Научные доклады». Коми филиал АН СССР. Вып. 167).

Г. А. Пунегова, Е. А. Цыпанов (г. Сыктывкар).

Г. Г. Бараксановӧс казътыштӧ (чужӧмсяньыс 90 во)

Таво тырӧ чужӧмсяньыс 90 во уна коми йӧзлы тӧдса морт, коми кыв туялысь, филология кандидат **Геннадий Григорьевич БАРАКСАНОВЛЫ**. Сійӧ эз сӧмын гиж туялан уджъяс, а вӧлі енбиа велӧдысь, туялан уджъяс котыртысь, коми кывлысь донсӧ ас кадӧ ёна кыпӧдысь, уна том йӧзӧс туйдӧдысь да налы отсасысь. Да и олӧмыс сылӧн вӧлӧма абу кокни да ӧтногса.

Г. Г. Бараксанов чужлӧма 1934-ӧд вося кӧч тӧлысь 12-ӧд лунӧ Сыктывкарын. Айыслӧн водз кувсьӧм бӧрын 1938-ӧд воӧ мамыслы ковмӧма вуджны овны Сыктывдін районса Сёська сиктӧ да кок выланыс сувтӧдны куим челядьӧс, Геннадийыс вӧлӧма медыджыд. Чужан сиктас 7 класс помалӧм мысти 1949-ӧд воӧ том зон пырӧма велӧдчыны юркарса педучилишшеӧ, а сы бӧрын 1953-ӧд воӧ Коми пединститутӧ история-филология факультетӧ велӧдчыны коми да роч кывъяс да литература велӧдысьӧ. Геннадийӧс ёна кыскылӧма чужан кывйыс да литература раыс, ичӧтдырся интересыс сэсся сылӧн вуджӧма вочасӧн туялан уджӧ. Пединститутын велӧдчигас том студент асьсӧ петкӧдлӧма унаторйӧн: пырӧдчӧма спортӧ, ворсӧма баянӧй, зильӧма йӧзӧс котыртан уджын. Колӧ торйӧн пасйыны Г. Г. Бараксановлысь зиль вӧраслунсӧ: кузь мыгӧра том морт век вӧлӧма водзын мунысь, спортӧн ноксысь, баянӧн ворсысь, томулов костын ныршик, комсомолын бур котыртысь. Абу ӧд весьшӧрӧ том зонмӧс республикасяньыстылӧмаӧсь 1957-ӧд воын Мӧскуаын нубдан Том йӧзлӧн да студентъяслӧн VI фестиваль велӧ!

1958-ӧд воӧ институт помалысьӧс босьтӧны армияӧ, сы бӧрын нин сэсся 1960-ӧд воӧ сійӧ пырӧ Коми филиалса аспирантураӧ, босьтчӧ туявны коми гижӧд кывлысь артмӧм-сӧвмӧмсӧ. Уджнас юрнуӧдны босьтчӧ нималана коми финно-угровед да кывбуралысь Илля Вась (В. И. Лыткин). Колӧ шуны, том аспирантлы ёна мойвиӧма: сійӧс командируйтӧмны куим во кежлӧ Мӧскуаӧ, а тайӧ Кывтуялан институтын да шӧр небӧгкудъясын уджавны поэянлун, уна тӧдчана лингвисткӧд тӧдмасьӧм да насянь туйдӧдӧм босьтӧм, ыджыд культураа кар. Сэки Кывтуялан институтса фин-угор кывъяс туялан секторыс вӧлӧма зэв ён, уна нималана специалист уджавлӧма, на лыдын академик Б. А. Серебренников, пропессоръяс В. И. Лыткин да К. Е. Майтинская, А. П. Феоктистов да мукӧдъяс. Г. Г. Бараксанов кыдзи зэв пискӧс морт, коммунист, уджалӧма уна нырвизыын, Мӧскуаас тшӧтш сійӧ гӧтрасьӧ-котрасьӧ, чужӧ сылӧн ныв. И со, 1964-ӧд вося лӧддза-номъя тӧлысь 26-ӧд лунӧ сійӧ дорйӧ кандидат ним велӧ ассыс диссертациясӧ, темаыс вӧлӧма «Коми литературный язык, история его формирования и диалектная основа». Татшӧм нима уджъяссӧ россияса фин-угор кывъяс материал вылын сэки морт на абу гижлӧма да тайӧ диссертацияыс лои ёна водзӧ мунӧмӧн. Дорйысьӧм бӧрас 1964–1971-ӧд восяс том кандидат олӧ да уджалӧ Мӧскуаын да сэнӧ уджалӧ кумлаын: театраса артистысьӧс дасьтан А. В. Луначарский нима институтын коми кывйӧ велӧдысьӧн (1967–1968), Национальнӧй школаяс институтын ыджыд туялысьӧн да туясян секретарӧн (1967–1968), Кывтуялан институтын ичӧт туялысьӧн социолингвистика юкӧдын (1969–1970).

Сӧмын чужан Коми му том туялысьӧс юркарысь кыскӧма бӧр. 1970-ӧд воын Сӧвет Ӧтувлунысь наукаяс академияса Коми филиалын вӧлі котыртӧма Кыв, литература да история институт, кытчӧ Г. Г. Бараксановӧс корӧмаӧсь веськӧдлыны кыв секторӧн. Окоапырысь воӧма Геннадий Григорьевич чужанинас бӧр да уна во уджалӧма КЛИИ-ын, гижӧма дзоньнас 78 туялан удж, 32 стаття йӧзӧдӧма республикаса газетъясын, нель удж видзӧны Коми туялан шӧринса кудйын (аркивын). Небӧгъяссыс медтӧдчана-ясыс: Формирование языковых норм коми литературного языка. Сыктывкар, 1964; Присыктывкарский диалект и коми литературный язык. М., 1971 (Т. И. Жилинакӧд ӧтвылысь); Среднесыольский диалект коми языка. М., 1980 (Н. А. Колеговакӧд ӧтвылысь); Коми кыв. 5–6 классъяслы учебник (йӧзӧдӧма унаысь). Завалигас туялысь котыртӧма уна конференция да 1985-ӧд воын Финно-угроведъяслысь мусьарса VI конгресс, вайӧдӧма кыв секторӧ том туялысьсыс, редактируйтӧма вель уна ӧтувъя удж.

1972-ӧд вося урасьӧм тӧлысьӧ юркарын вӧлі котыртӧма Сыктывкарса канму университет, сэтчӧс история-филология факультетын лӧсьӧдӧны коми кыв да литература кафедра. Сійӧс медшӧр котыртысьяснас вӧлӧмаӧсь буретш Г. Г. Бараксанов да А. Н. Карманова, медводдза восяс найӧ лыддылӧмаӧсь став кывтуялан курссӧ. Сэсся бӧрасджык нин воӧмаӧсь кафедраӧ велӧдны А. К. Микушев, Е. А. Игушев, В. В. Пахорукова, Р. И. Вагнер да мукӧдъяс. Сидзсӧ Геннадий Григорьевич вӧлі зэв вежӧра да уна тӧдысь морт, но курыдторсӧ видлышталӧмыс мортсӧ унаысь конъялӧма, сы помкаысь тшӧтш таладор югыдыс

сылы ёна водздзык тупкысис. Муніс олёмсыыс Г. Г. Бараксанов 1997-өд вося рака төлысь 16-өд лунө, дзёбим сійөс көдзыд лунө сылөн чужан Сёськаас пожөма ягө, гылыд да югыд шойнаө, радейтана мамыскөд орччөн.

• • •

Колө тшөтш татчө пасйыштны и туялыськөд аслам во-лысьөмьяс йылысь. Төдмаси сыкөд буретш СКУ-ын велөдчигам 1977-өд вося арын. Медводдза курсыи коми кывлысь шыкуд, а мөд семестрас и кыввор туялөм йылысь лыддис Геннадий Григорьевич, кузькодь мыгөра, сэки олөмаөн нин миянлы кажитчысь айлов. Лекциясө сійө лыддис зэв визула, уна аслыспөлөс видлөг вайөдөмөн, корсюрө тешкыв (анекдот) вылө вуджавлігмоз. Сійө веськыда миянлы сэки шуліс, ті сиктса челядь, водзассө пө лоас тіянлысь сьөкыдкодь, кутанныд кольчыны роч филологиясысь, но сэсся пө вөтөдад найөс. Оз пө ков повны да вошласьны, зумыда пө колө кутчысьны велөдчиганыд. Водзвыв шуа, збыль тадзи и лои сэсся. Г. Г. Бараксанов коми шыкудсө лыддис аслам кандидат нима диссертациясысь, а кыввор йывсьыс Н. М. Шанскийлөн «Лексикология современного русского языка» велөдчан небөгысь, коми видлөгьяс юрсьыс дзык пыр вайөдөмөн. Мөд ногөн кө, курс сертиыс торья некутшөм текст сылөн эз вөвлы, унджыксө лыддис юрсьыс. Та вөсна ставыс вөлі сылөн мукөд велөдысьяскөд өткодялөмөн гөгөрвоанаджык. Шензьө вөлі, мыйла өнія том йөзыс пө сэтшөма матькөны, ассьыныс кывсө пежалөны. Төдліс кө зськө Геннадий Григорьевичным, кутшөм сөс кыв лоас том йөзлөн 40 во мысти, юрсиыс эськө сувтіс. Мөд вося тулыснас сэсся сетім өнія коми кывйысь экзамен. Г. Г. Бараксанов аудиторияс өтторья шпуткис, төдчө вөлі – юрис висьө вөлі сылөн, өтторья кытчөкө тэрмасьө, тіралан кияснас зачоткаясө кырымасьліс. Меным сэки веськаліс коми кывйысь консонант инас юалөм, серпасалі таблицасө юрись дзоньнас да менө эз ёна юась. Колө шуны, «витсө» босьтны Геннадий Григорьевичысь вөлі зэв сьөкыд.

Мөд курсыи Г. Г. Бараксанов заводитіс лыддыны «финно-угроведенияө пыртөд» нима курс, коді кажитчис водзассө мем вель сьөкыдөн. Зэв төдчана вөліны сылөн быдсяма сёрниысь нималана кывтуялысьяс йылысь, накод лоём тешкодьторьяс казтьылөмыс да с.в. Шуам, висьталіс член-корреспондент Борис Александрович Серебренников йылысь, воис пө 1979-өд воө Сыктывкарө финно-угроведьяслөн конференция вылас ыджыд ноппён, а ноппыс пө игнасьө вөлөм өшалан томан вылө. Лыддис комиён, кокниа вуджөдіс «Основы финно-угорского языкознания» небөг, 1974-өд воын йөзөдлөмторсө. Торйөн ёна сэки дасьтыс «Финно-угроведениеө пыртөд» экзамен кежлө, вөчалі зэв уна шпора. Сөмын весьшөрө полі, Бараксанов өрт бара шпуткиг-куритчиг пукталіс бур донпасьяс. Збыльысьсө кө шуны, тайө курсыи вөлі медся сьөкыд меным дай унатор ме сэки бурасө эг вежөрт.

Сөмын бөрыннас нин, аспирантураын велөдчигөн понді нин бурджыка гөгөрвоны фин-угор кыв котырлысь өтувья аслыспөлөслуньяссьө.

Төдлытөг лэбыштисны велөдчан вояс, витөд курсыи А. К. Микушев профессор дорын буретш гига вөлі диплом уджөс изьва-колва эпосса кыввор йылысь. 1982-өд вося рака төлысь 16-өд лунө миянлөн вөлі сідз шусяна распределенньө, меным сэки вичмис уджалан местаөй – коми кыв да литература кафедрасын лаборант. И буретш сійө луннас тшөтш менам вөлі зэв төдчана аддзысьөм да сёрни. Рытьявылыс муні «Калевала» капеө да орччөн сёянсө вөлі босьталө кафедраса велөдысьным Нина Васильевна Раевская. Висьталіс, лаборантыслөн пө удждоныс сөмын 80 шайт, а нокыс юрвывтас. Ветлы пө Г. Г. Бараксанов дорө Кыв, литература да история институтө, сылөн пө таво очной аспирантураө өти места эм, сөмын мөдөднысө пө некодөс. Вөзйылөмны сылы пырны велөдчынысө да абу сөглас вөлөма. Көсйөмны пө Галина Некрасоваөс мөдөдны велөдны да кык вося уджалан кадтөгыс пө оз артмы сійөс ыстынысө. Но позьө пө пырны аспирантураас кодлыкө и университет помалөм мысти дзык. Г. А. Некрасоваыс помалөма вөлі университетсө воддза воас (өні тайө аныс төдчана туялысь, филология доктор, доцент).

Аскинас жө ветлі КЛИИ-ас да Бараксанов өртөс эг су: мунөма пө уджмогөн Мөскупаө. Сёрниті сэтчөс уджалысь Анатолий Николаевич Ракинкөд, пукалө вөлі коді 523-өд уджежөсын. Вомьёртөй шуис, медся төдчанаторыыс пө мед менө карас кольөдасны, а сэсся мыйкө позьө на думыштны.

Локтан вежоннас, рака төлысь 24-өд лунө, аддзыси Геннадий Григорьевичкөд, сёрниті аслам көсйөмөй йылысь водзө велөдчыны. Сійө эз вөв паныд, вөзйис арнас пырны велөдчыны Эстонияын Тартуса канму университетса аспирантураө, туялан веськөдлысьсө шуис кутшөмкө Пауль Аристэос. Геннадий Григорьевич эскис мем, студентлы, дзык пыр шуис: вай пө видлы пырны аспирантураас, немся эз петитчы, эз висьтавлы немтор падмөдан помкаяс йылысь. Дзоньнас Бараксанов өрт вөлі йөз дорас сибыд морт, томьясөс эз өтдорт ни джөмдөд. Тавыс төдчө сылөн бурногса руыс, а өд вермис кокниа өвтыштчыны меысь, колантор тай сэки вөлі эськө: сэтчөс институтас ме эг уджав ни нинөм.

Сэсся Г. Г. Бараксанов да Е. А. Игушев өтсөгөн ме чукөрталі колана документьяс да ысті сэки ылын кажитчана Эст муө, а арнас пыран экзаменьяс сетөм бөрын пыри велөдчыны сэтчө, нималана финно-угровед академик Пауль Аристэ юрнуөдөмөн дасьті кандидат ним вылө уджөс. Сөмын тайө торья висьт нин. Медтөдчанаыс тайө вежсьөмьясас вөлі Геннадий Григорьевичлөн меным, сэки том мортлы на бур өтсөгыс, сылөн зильөмыс. Бура төда: тайө коми туялысьсө бур кывьясөн өні казтьыштас уна морт.

Цыпанов Йөлгинь